

Txog: Qhia ntxiv txog COVID hauv tsev kawm ntawv: Saib mus rau lub caij kawm ntuj tshiab tom ntej

Tsab xov xwm no yob txog:

- Kev kuaj thaum lub caij so ntuj no
- Hais kom nco: Kom npog qhov ncauj qhov ntswg ntxiv
- Kev kuaj rau lub caij kawm ntuj tshiab
- Qhia ntxiv txog qhov kom cov neeg ua haujlwm yuav tsum hno tshuaj
- Yuav ua li cas thiaj paub muaj pauv li cas

Tshua txog cov mejyig, neeg ua haujlwm thiab xibfwb,

Tam li lub caij kawm ntuj tsaug los yuav xaus, peb ua koj tsaug rau tej koj tau ua pab tswj tau tus kab mob COVID-19 tau zoo hauv peb lub tsev kawm ntawv. Koom ua ke sib pab, xws li hno tshuaj thiab hno koob hno ntxiv, npog qhov ncauj qhov ntswg thiab nyob tom tsev thaum mob, ua rau peb rov tuaj ua tau ntau yam li peb ib txwm ua thiab rov tuaj sib ntsib tau.

Qhov peb ua tau zoo lub caij ntuj tsaug ua rau cuab peb zog ntxiv rau lub caij kawm ntuj tshiab, txawm tias peb tseem yuav ntsuam xyuas tus kab mob COVID-19 txia *omicron variant*. Cov kev qhia dhau los muaj tias tus kab mob txia no kis zoo tshaj lwm tus txia yav tas tabsis tej zaum ho yuav tsis mob loj, tiag yog cov neeg hno tshuaj puv lawm thiab cov neeg hno koob hno ntxiv lawm. Kom yooj yim, muaj hno tau tshuaj dawb hauv tsev kawm ntawv yuav yog ib qho tseem ceeb muaj ntxiv tswj tus kab mob.

Hnub hno peb yuav hais kom nco qab cov tseem ceeb nrog rau kev qhia ntxiv txog tsev kawm ntawv cov kev npaj khiav haujlwm rau lub caij ntuj tshiab. Li yav tas, peb yuav ntsuam peb cov kev npaj thiab cai raws li cov kev qhia muaj thiab kev kom ua raws tshiab thiaj muaj kev noj qab haus huv rau pej xeeb.

Kev kuaj rau lub caij so ntuj no

[Cov chaw kuaj hauv tsev kawm ntawv \(*campus testing sites*\)](#) yuav kaw thaum 12 teev 30 tav su hnub Kaum Ob Hlis tim 23 thiab yuav kaw mus txog lub Ib Hlis xiab 2. Kev qhia txog cov chaw kuaj COVID-19 nyob hauv Madison muaj nyob ntawm [Public Health Madison & Dane County website](#).

Yog koj yuav tau kuaj COVID-19 thiaj mus tau rau lwm qhov, npaj ua ntej. Kev kuaj nyob hauv UW-Madison muaj teem caij nkaus xwb, thiab txawm cov kuaj *PCR* muaj qhia tau sai ua ntej 24 xuabmoos los, ib co yuav siv sij hawm ntev tshaj. **Tej zaum koj yuav tau nrhiav kuaj COVID-19 sab nraum tsev kawm ntawv.**

Cov mejyig thiab neeg ua haujlwm tsis tau hno tshuaj uas tau kuaj txhua asthiv yuav tau txais ntawv qhia ntxiv txog kev kuaj rau lub caij so ntuj no.

Pib lub Ib Hlis xiab 3, kev kuaj nyob hauv tsev kawm ntawv yuav muaj rau ib qho chaw lawm xwb, hauv *the University Club, 803 State St.* (ntawm txoj kev *State Street Mall* thiab *East Campus Mall* sib tshuam). Ua tsaug rau tus lej coob tus neeg hauv tsev kawm ntawv hno tshuaj lawm, peb muaj peev xwm pab tau txhua tus uas yuav tsum tau kuaj los xav kuaj nyob rau ib qho chaw lawm xwb. Caij teem kuaj yuav muaj rau hnub Zwj Hli txog Zwj Teeb, 8:30 sawv ntxov txog 4 teev tsaus ntuj, kaw 12 teev txog 1 teev tav su, thiab hnub Zwj Kuab, 8:30 sawv ntxov txog 12:30 tav su.

Hais kom nco: Tau ntxiv caij rau tus cai kom npog qhov ncauj qhov ntswg

UW–Madison kom yuav tsum npog qhov ncauj qhov ntswg ntxiv txog lub **Ib Hlis xiab 15, 2022**. ([Twm qhov Chancellor Order](#).) Tus cai no yuav rov muab xyuas dua rau lub Ib Hlis xiab, yuav xyuas txog kev kom pej xeem ua raws thiab saib tus kab mob COVID-19 ho muaj kis li cas nyob hauv tsev kawm ntawv thiab zej zog.

Qhov muab caij ntxiv no yuav pab txo kev txhawj rau lub caij cov neeg hauv tsev kawm ntawv coob tus yuav mus rau lwm qhov thiab thaum tus kab mob COVID-19 kis ntau zwj zus nyob hauv peb lub xeev thiab lwm thaj chaw.

Kev kuaj rau lub caij kawm ntuj tshiab

- **Cov neeg hno tshuaj puv lawm:** Raws cov ntaub ntawv pov thawj kuaj mob thiab cov paub txog feem no kom ua, tsev kawm ntawv npaj yuav muab cov khoom kuaj tau ceev (*rapid antigen*) rau cov mejyig thiab neeg ua haujlwm uas twb hno tshuaj puv lawm kuaj nyob tom tsev. Yuav muaj qhia ntxiv txog qhov siv *rapid antigen* kuaj nyob tom tsev.

Cov *antigen tests* muaj rau tus neeg nrws nws cov kua ntswg thiab qhia tau tias puas mob li 15 feeb, ua tau rau cov neeg muaj COVID-19 cais tau lawv tus kheej sai thiab tswj qhov tus kab mob kis. Cov khoom kuaj no twb muaj yuav tau nyob tom cov khw lawm thiab yog ib qhov siv tswj kom muaj kev noj qab haus huv rau pej xeem nyob hauv teb chaws Meskas thiab thoob ntiaj teb.

Cov *antigen tests* kuj zoo xws li cov *PCR tests* thaum tus kab mob loj los ceev, thaum cov neeg mob yuav kis tau zoo rau lwm tus. Cov no pab tau zoo dua yog tus neeg muaj cov cim mob. Nrog rau [95 feem pua ntawm peb cov neeg hauv tsev kawm ntawv hno tshuaj puv lawm](#), *antigen testing* yuav pub kuaj tau sai thiab yog ib qho ntxiv rau peb siv tswj tus kab mob COVID-19.

- **Cov neeg tsis tau hno tshuaj:** Cov mejyig thiab neeg ua haujlwm tau kom yuav tsum kuaj txhua asthiv yuav tau teem mus kuaj *PCR testing* txhua asthiv hauv tsev kawm ntawv nyob ntawm *University Club*.

Qhia ntxiv txog qhov kom cov neeg ua haujlwm yuav tsum hno tshuaj

Tsev kawm ntawv tau cheem qhov tsoom fww (*federal*) [kom yuav tsum hno tshuaj \(*vaccination mandate*\)](#) vim tsoom fww tsev hais plaub tau txwv. Peb yuav taug qab xyuas cov kev sib hais txog qhov kom hno tshuaj thiab yuav qhia ntxiv. Cov neeg ua haujlwm raug qhov no yuav tau txais ntawv qhia ntxiv. Rau ib tug neeg ua tau xa ib daim ntawv thov vim muaj mob/xiam oob qhab thiab/los kab lig kev cai coj txwv tsis pub hno ua ntej lub Kaum Ob Hlis xiab 13, yuav qhia rau koj yog twb muab kev pom zoo rau koj lawm. Yog tsis muab kev pom zoo rau qhov kev thov los yuav kom muab ntaub ntawv ntxiv, qhov kev xyuas no yuav muab ncuva txog thaum yog ho yuav kom hno tshuaj dua.

Yuav ua li cas thiaj paub tias muaj pauv li cas

- Mus saib hauv [COVID-19 Response website](#), [FAQs](#), thiab [dashboard](#), uas muaj qhia ntxiv tas li.
- Saib cov *emails* li tsab no rau yav tom ntej.
- Nrhiav tsis tau cov kev qhia xav tau? Email covidresponse@vc.wisc.edu los hu (608) 262-7777.